

卷十

書名 壽昌縣志十二卷首一卷 據乾隆十九年刊本鈔
 撰者 清 鍾沛 修, 清 陸銘一等 纂
 卷 卷十
 內容分類 史-地理-今地志-浙江
 索書號 史部-地理-都郡-197
 編號 B2650500

[彩色首頁1](#)

[東洋文化研究所漢籍目錄 編號: B2650500](#)

[東洋文化研究所漢籍目錄所藏漢籍善本全文影像資料庫 索書號: 史部-地理-都郡-197](#)

[漢籍善本全文影像資料庫文本壽昌縣志十二卷首一卷 據乾隆十九年刊本鈔](#)

[版權所有: 東京大學 東洋文化研究所](#)

[使用上的注意事項](#)

壽昌縣志卷之一

歙州府

知府事加六級紀錄九次吳士進
 同知府事加三級史鳳輝

全鑒定

壽昌縣知縣加一級紀錄四次鍾沛王修

壽昌縣儒學教諭攝訓導事陸銘一

請養在籍原任長汀縣知縣邑人方暨謨全編


壽昌縣儒學廩膳生員毛培

建置沿革

封建變而郡縣因時立制沿革靡常年世
 雖遠大畧可考顧變者制也不變者地與

壽昌縣志卷之九

壽昌縣志卷之十



嚴州府

知府事加六級紀錄九次吳士進
同知府事加三級史鳳輝
全鑿定

壽昌縣知縣加一級紀錄四次鍾沛主修

壽昌縣儒學教諭攝訓導事陸銘一

請養在籍原任長汀縣知縣邑人方暨謨全編

壽昌縣儒學廩膳生員毛培

仙釋

漢書藝文志有道家言而列神仙於方技
仙者道之別派也釋氏源流隨書經籍志


言之甚悉二氏之入正史久矣矣獨邑志而不然夫道以清淨釋以慈悲皆可以裨王化之萬一具通人之識者何妨泛覽而流觀之志仙釋

宋

葉梅卿自號碧潭居士一都仁豐鄉湖岑人明春秋通史傳理宗朝任浙西酒監後棄官家居習修煉導養之法有異術能存神謁帝與諸神將會一日大書几上云六十七年有身平生本分為人對越西閭無愧至誠一念常

存昨夜天官召我明朝金闕朝尊脫却塵凡皮袋一團和氣氤氳次日瞑目而遊將斂顏色如生後昇葬眾疑其輕啟棺視之惟衣履存焉

朱佛法名善心八都永平鄉人耕山誦佛號遇赤日嘗有雲覆之諾人以雨輒驗邑人指為活佛一日至葉樞密家求山水衣其家曰無有朱曰在某篋笥中良久又曰吾帶一小畜恐驚人當出收之人尾其後見一虎繫於柏樹紹興十九年壬申二月八日留偈云六十



一年住世間隨流來往度塵寰今日已歸霄
漢去碧空雲外有青山跌坐而化所居之處
野燒至即滅人為立菴

明

卜景雲城南卜溪濱人居仙池巖習修煉術洪
武己酉夏旱太守劉遵道徵至郡禱雨輒應
有劍麾虹斷令下雷轟語贈之縣北牙吹塘
水數泛溢人云有水怪邑令迫之治景雲囑
其妻曰速具吾棺言訖而往以紙作劍投水
繼以鐵劍水為之赤歸自寫像而卒時號為

卜真人今南門卜冢井猶存

諸葛華仁四都人永樂間由元妙觀道士送為
太常供祝善鼓琴授神樂觀知觀陞提點屢
賜衣冠華頗知道術祈雨有驗

翁極中壽四都人由神樂觀道士受業南陽煉
師復從西壁真人傳道法除太常寺協律郎
轉換修職郎

古蹟

物之凝固而垂久者莫如金石石有時而
泐金有時而銷而殘碑缺鼎摩挲不厭以

其為古物也一器如是他可知矣坵墟榛莽鬚髯可求俯仰瞻眺之間溯歲月而感芬芳有心者宜低徊不能去矣志古蹟

新昌縣古址(萬歷嚴州府志)在縣西六都永平

鄉花園平三國時吳分富春立新昌縣治於

此晉平吳改為壽昌今其地曰故城坂又名

邑村坂唐神龍元年徙於郭邑里

(按)吳立新昌縣晉改

為壽昌檢三國志及晉書帝紀皆無此文未知府志何據

壽昌縣故址(萬歷嚴州府志)在白艾里徙郭邑里徙於此即今桂村坂也東臨小溪有七里

橋城隍廟校日寺及鼓樓城壕遺迹尚存

(按)

署門云縣治三遷據已上兩條則四遷也

馬驛在縣治南(鄭或志)今後街坊方氏所居地

曰馬坊頭其上曰馬驛又西門內有馬舖廟

城外曰馬舖灘蓋亦驛地也

白艾驛在縣東南(鄭或志)宋之驛道從縣東門

出過朝京橋至白艾驛度山門嶺由山後而

出

(按)山後地名俗稱鷺嘴山後後亦作厚

思遜堂在縣廡內枕山為之

南昌勝景亭在思遜堂側宋景定間知縣黎舉

德建亭南植木為表榜曰屏山第一峰

涵碧亭在勝景亭南黎舉德建其亭似觚因名

涵碧

燕喜樓在縣治南

仰楓亭在萬松山嘉靖間知縣程謨建

雙桂亭在縣廨內康熙十一年知縣羅在位建

申明亭在縣治東

旌善亭在縣治西今匾額猶存

龍首亭在青龍山知縣黎舉德建

去思亭在東門外元至正間邑人徐友玉等為

主簿海魯丁建

田園自樂亭在縣西五里天順間邑人洪景德

建商文毅公有記

晚社亭在縣西五里嘉靖間邑人洪崇建

青山書院在縣西南十里青山之陰唐聘君翁

洮建遺址猶存

岑山書院在縣東二十里岑山之谷宋國子監

丞鄭彥建

默山書院在縣西南二里默山上宋校書郎胡

楚材建

蓮谷書院在縣東北里許明國子監助教洪鼎
別業有松巢一鑑池清遠亭白雲窩諸勝嘉
靖中知縣李思悅扁為蓮谷先生書院

九曲洞在清遠亭下穴岸為洞墾以磚石濬溝
九曲以泛觴題曰小蘭亭名人作詩盈冊

天一居在山川壇後邑庠生方灼別業門臨流
水有樓閣橋池之勝乾隆十二年盡付波臣
老梅十餘樹皆拔根而去惟古桂一株存焉

唐刺史李頻宅在縣西永平鄉八都

唐聘君翁洮宅在縣西航頭

宋封遂安縣公葉三省宅在縣西永平鄉六都

宋吏部侍郎胡嘉言宅在縣西永平鄉七都

宋贈太尉童淑宅在縣南仁豐鄉童源

明參議徐莊宅在縣南仁豐鄉烏石源

唐刺史李頻祖墓在縣南仁豐鄉石壁下


宋少保忠簡劉公墓在縣治西南俗名南場頭

〔舊志張熙墓記〕公名珏龍游人宋仁宗皇祐

間為壽昌令仕至少保謚忠簡歿之日民戴

公德數千人迎柩葬萬松山次子光堯遂家

勞村為劉氏始遷之祖邑民復肖像於城隍廟



後殿及東嶽行祠蒸嘗不絕今馬鬣遺封碑
碣昭然與漢朱邑祠鄉數千載遙遙相應其
後裔生員劉丙等持皇祐三年封公為宣義
郎壽昌縣尹勅命及族譜小像來示與廟中
塑像鬚眉宛合惜善政無稽不能詳為立傳
姑誌此以俟採風者

宋奉議郎方玠墓在北門內

宋真州判官胡楚材墓在縣東三都

宋吏部侍郎胡嘉言墓在縣西九都

宋國子監丞鄭彥墓在縣東一都岑山

宋孝子周大雅祖父墓在縣南至孝鄉杭嶺背
大雅嘗廬墓於此今存遺蹟其山猶稱周家
尖

明吉安府知府徐誼墓在縣西十一都大塘塢

明山西參議徐莊墓在縣南仁豐鄉俗稱象形

明左都御史徐節祖墓在縣西六都洪塘山

明封承德郎洪汝文墓在縣西北十都白嶺

明同知進階朝列大夫洪景德墓在縣西北十

都下湖

明南康通判翁寵墓在縣西八都儒博源

明承德郎國子監助教洪鼎墓在縣西八都石

郭嶺下

雜志

遺文逸事時資見聞俚語方言亦標簡策

雖大雅所不道而不可廢也青箱有雜記

酉陽有雜俎上之可以考事蹟下之可以

資談助豈若齊諧志怪為不經之語哉志

雜志

水經注浙江又東逕壽昌縣南自建德至此八

十里中有十二瀨瀨皆峻嶮行旅所難縣南

有孝子夏先墓先少喪二親負土成塚數年

不勝平

按浙江不逕壽昌南且水經注皆順
叙今云自建德至此則是逆叙姑闕

疑所

萬歷嚴州府志朱買臣壽昌人按漢書朱買臣

傳但言吳人不註縣名郡志不知何據

龐元英談數壽昌縣道傍有朱買臣廟居人多

朱姓朱謙之詩云貧賤難堪俗眼依區區何

事便雲泥會稽乞得無他念祇為歸來詫故


妻束薪行道自歌呼越俗安知有丈夫一見

印章驚欲倒相看方悔太模糊

〔集異志〕陳周文育為鎮南將軍初文育據三陂時有流星墜其聲如雷地陷方二丈中有碎炭數斗又軍市中忽聞小兒啼一市並驚聽之在土下軍人掘得木棺長三尺文育惡之俄而見殺按據三陂即文育討余公颺時事見本傳

〔概言〕李頻師方干後頻及第詩僧清越贈干詩云弟子已得桂先生猶灌園

〔詩話〕李頻詩清新警拔未致鳳儀即騰芳譽合節修詞精研太始詞以情勝音以調諧絕句如早晚更看吳苑夕西齋長憶月當窻不知



明夜誰家見應照離人隔楚江淵淵有金石聲古意如白馬遊何處青樓日正長鳳蕭拋舊曲鸞鏡懶新粧雖越石感亂缺三字邊何

以過之七言如去鴈遠衝雲夢澤離人獨上洞庭船音書斷絕干戈後親友相逢夢寐間五言如秋盡蟲聲急夜深山雨重天下已歸漢山中猶避秦綺密澄泓聲文華潔可以言詩矣翁洮詩如空向人間修諫獵又來江上咏離騷薜蘿烟裏高低樹楊柳風前去住人間伴白雲收桂子每隨流水劇桐孫綽有巧

思

〔容齋隨筆〕建州城東二十里有梨山廟傳為刺史李公祠予守郡日因旱作祝文云亟回哀眷書吏持白回字犯相公名請改之蓋以為李回也後讀唐書文藝傳懿宗時頰為建州刺史以程法治下時朝廷政亂盜興更相推敬而建頰頰以安平於官州為立廟梨山歲祠之乃證其為頰繼往禱而祝云俟獲感應則當刻石紀實已而得雨遂為作碑偶閱唐末人石文德所著唐朝新纂一書正紀頰事

云除建州牧卒於郡曹松有詩悼之曰出旌臨建水謝世在公堂苦集休藏篋清資罷轉郎瘴鄉無子真嶺外有妻孀恐是浮吟骨東歸就故鄉又鄭谷哭李建州詩云今歸終故里末歲道如初舊友誰為志清風豈易書雨墳生野蕨鄉真釣金魚獨夜吟還泣前年伴直廬其身後事落拓如此

〔舊志〕李頰為建州刺史卒於官其柩歸壽昌時丹旒飛空前導遇晚則自掛樹梢

〔舊志〕胡國俊富塘街人宋高宗朝尚公主稱駙馬

〔癸辛雜志〕方回字萬里歙州人咸淳末知嚴州元兵破臨安將及嚴州回先期諭眾以死自誓藏金一錠約為埋尸之用及兵臨城回已先於數十里外迎降北軍矣時命為建德路總管回遂羶裘毳帽躍馬而還若有喜色作安民榜以諭百姓時人哂之曰但看建德安民榜便是虛翁德政碑虛谷回自號也〔按〕忠義鄭采翁傳知州事方回迎降即其人也

〔舊志〕元至元十三年四月衢州賊華明華貴葉亨五屢寇縣界猝入縣焚縣署至六月二十



五日賊復以三千人入縣直犯建德之白沙渡峻都遣兵逐之至衢之白馬洞焚其巢穴而還是年為丙子舊傳縣署燬於丙子即此賊燬之也曰黃巢曰方臘者並非〔按〕元有兩世祖之至元非順帝之至元也舊志訛至元為至正至正十三年乃癸巳非丙子

鄉達葉林傳有授殿前捲簾使時稱為武狀元語選舉志列於武進士〔按〕宋史紀事本末宋初試武舉試策於秘閣試武藝於殿前司殿試又試策及騎射策藝俱優為右班殿直次優為三班奉職所云殿前捲簾使即此類也


然未有武狀元及武進士之名曰時稱者亦流俗語耳

古蹟門有鄭彧志云云按鄭彧不知何人其志僅見此數語頗有筆法惜其不傳

明太祖諭日本詔胡榮所草其詔云蓋聞帝王之道也朕受天明命君主華夏十有五年惟爾日本僻處海陬未遵聲教謂險阻足以保命謂悍暴足以固疆縱民為盜狃於陋習乃者奉使通好浮言肆侮以速戾於厥躬廷臣

憤怒請興問罪之師朕惟際天極地孰非赤子兵魔所至民則何辜庸是一視同仁遣還爾使播告爾君開爾自新冀爾覺悟於乎上帝不常信禍淫而福善其鑒於茲尚蓋前愆惟忠惟義則予一人爾嘉故茲詔示想宜知悉按此詔向入藝文然詔書從無列代言之臣之姓名者既不當列名則明太祖諭日本詔與壽昌縣志何涉乎故入雜志使知為胡榮作既不沒其實而於書之體裁亦不乖云

方正學壽昌見山堂記為南山梁氏作今南山之村居已易姓因此記猶知有梁氏文之可



貴如此記云桐廬多名山壽昌為勝古稱嚴陵為桐廬如范希文十絕句我愛桐廬郡是也

舊志嘉靖癸卯宜陽吳珊為壽昌教諭一日召

乩乩書謫仙到珊請書太白詩久之書云吾

非謫仙也詰之乃曰吾文物精問何物為精

曰朝冠匣問在何處曰文廟東

按舊志職官門失吳珊名

今不敢增者以職官無年歲不知當列何處也附記於此

舊志嘉靖辛酉吳御修縣志記三年前夢至鄉

賢祠見翁洮語之曰子當為我作隱逸傳今

錄諸公傳乃悟昔夢之異及編纂將畢又夢

郭頤曰往年唐子以文藝居我非我志也詳

稽本末乃知頤為東萊先生高弟郡志入文

藝載筆者唐珪也遂更列儒林

嘉靖壬子科浙闈鄉試合郡惟本色舒仕鐸一

人獲雋郡守某公喜甚贈以匾曰一鶚橫秋

今猶存

國朝康熙十三年春閩中耿逆倡亂衢州大震壽昌

與衢接壤山寇竊發渠魁為六都人韓姓名

六合六月廿九日蜂擁圍城知縣羅在位從

間道至府城請兵勦之尋以招安授順時訓導張熙以失印去官

互見鄉達李瑞生傳中

唐學禮麻車岡人乾隆初邑令單鈺任內捐田

十二畝義學中

同時生員張兆龍橋下橋人亦入田四畝七分

洪國史入田百畝縣中為恤貧費歲月浸久僅

存其名乾隆丙寅邑令王兆曾給其後裔庠

生庭植兄弟兩人各田十畝以資膏火餘詳

請入義學

乾隆七年單令任內奉 文建育嬰堂時捐田

者漢口翁維城仁都王顯七邵宏祚二畝新

市葉兆全六分周村周道壽五畝大同鄭宜


中鄭當時

四分

鄭起升一畝一分十三年王

令任內以赴育者無人詳請故堂為義學其

田亦隨入



善書集

卷十

七



